

Fondacija Centar za javno pravo u saradnji sa Transparency International u BiH najavljuje stručni skup

«Sukob interesa u institucijama BiH: zakonska regulacija»

Organiziranje ovog skupa motivirano je višegodišnjim zastojem u utvrđivanju novog zakonskog okvira za reguliranje sukoba interesa. Trenutno zakonsko rješenje je nezadovoljavajuće i prije da je u funkciji zaštite otvorenog ili prikrivenog sukoba interesa nego u njihovom sprečavanju. Od stupanja na snagu prvog zakona kojim je u BiH regulirano pitanje sukoba interesa (2002. godine) uslijedile su izmjene (2004. i 2013. godine) koje su u suštinskom smislu preinačile ključne zakonske odredbe tako da BiH više nema efikasan mehanizam zaštite protiv sukoba interesa. Iniciranje novog zakona (2017. godine) je nakon odugovlačenja zakonske procedure ostalo bez konkretnog rezultata u prethodnom parlamentarnom sazivu. Novi parlamentarni saziv je u januaru 2020. godine razmatrao prijedlog izmjena postojećeg zakona i odbio ga je uz zaduženje Ministarstva pravde da u roku od 90 dana izradi novi prijedlog zakona.

Organizatori ovog skupa namjeravaju identificirati sporna mjesta, otvoriti raspravu o optimalnim rješenjima i ukazati na regionalna rješenja koja bi mogla poslužiti kao uzor u formuliranju zakonskih odredbi. Skup će raditi na osnovu analiza *Damira Arnauta* (poslanika u Predstavničkom domu PS BiH i jednog od inicijatora posljednjih zakonskih promjena) i *Majde Uzelac* (tajnica Povjerenstva za sukob interesa Republike Hrvatske). Obje analize se mogu preuzeti na web-stranici Centra za javno pravo pod linkom: <http://www.fcjp.ba/index.php/projekti>. Očekujemo učešće i diskusiju političara, službenika Ministarstva pravde BiH, akademske zajednice i NVO-sektora. Cilj je dobiti skup poopćivih stavova prema kojima bi se moglo orijentirati i Ministarstvo pravde BiH u pripremi odgovarajućih zakonskih rješenja.

Skup je *planiran za četvrtak 23. aprila/travnja u Sarajevu*. Organizatori zadržavaju pravo da skup otkazu ili odgode u skladu sa mjerama i preporukama koje nadležni krizni štab ili nadležna ministarstva donesu u vezi sa koronavirusom. Zainteresirani učesnici će biti blagovremeno obaviješteni o odgodi, odnosno otkazivanju planiranog skupa.

Za FCJP

Prof. dr. Edin Šarčević